



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 8. Synodi statuta pro Monialibus, & Nosocomiis.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

non de Ecclesiæ bonorum conservatio-  
 ne, & debito Ecclesiasticam jurisdic-  
 tionem exercendi modo: denique huic  
 parti anectitur materia de Sacramento  
 Matrimonii, ibique postea præcipitur,  
 ut vitæ licentiosæ mulieres a ceteris  
 certo habitu distinguantur, ac digno-  
 scantur: Histriones autem, & Mimi,  
 necnon ludi a solo fortunæ arbitrio pen-  
 dentes toto studio prohibebantur, nec-  
 non sumptuosa convivia, ac immodicæ  
 expensæ interdicebantur, & penitus  
 usuræ vetabantur.

§. VIII.

*Synodi statuta pro Monialibus, &  
 Nosocomiis.*

Tertia pars complectitur ea, quæ con-  
 cernunt locorum piorum, veluti Noso-  
 comiorum, Sodalitatum, domuum Lepro-  
 forum, Hospitalium, aliorumque, e-  
 tiam montium pietatis administrationem:  
 ubi postea differitur de Monialibus, nec-  
 non de earum numero in quolibet Mo-  
 nasterio juxta redituum rationem sta-  
 biliendo, de Abbatissis, & Superiori-  
 bus, prout etiam de omnibus claustrum  
 muneribus, scilicet de officio Magistræ  
 Novitiarum, Oeconoma, Portaria, seu  
 Rotaria: præterea eis præscribitur la-  
 bor, cui vacare teneantur, nec minus  
 mentio ibi fit de infirmarum cellis &c.

Bb 5

insu-

Sæcul. XVI.  
 A C 1565.

Sæcul. XVI.  
A.C. 1565 Insuper anathema intentatur illis Pa-  
rentibus, qui suas Filias a Deo vere  
vocatas a statu Religioso præpediunt,  
dotis autem summam pro ingressu, &  
receptione præfigere, Episcopi prudenti-  
æ relinquitur, simulque statuuntur ea,  
quæ Novitias ad Professionem admit-  
tendas tangunt: insuper Monialibus  
Officium Divinum, preces, ac lectiones  
præscribuntur, omnisque rei dominium  
eis inhibetur, sedula autem clausuræ  
custodia commendatur: disponit etiam  
Synodus de Conversis, Pensionariis,  
Prædicatoribus, Confessariis, Visitato-  
ribus, & Sacellanis, atque ut paucis  
omnia complectar, Moniales admonen-  
tur ad Regulæ suæ cultum, necnon  
ad unius capitis lectionem singulis die-  
bus publice faciendam.

Postea sermo inspergitur de Judæis,  
quibuscum Christiani ullum commer-  
cium habere prohibentur: denique Sy-  
nodus absolvitur indictis pœnis in om-  
nes, qui has Constitutiones transgres-  
suri essent: porro cuncta hæc disposita  
sunt juxta Synodi Tridentinæ decreta.  
His ita peractis idem Cardinalis Bor-  
romæus sermonem habuit, quæ tamen  
oratio in Concilio pronuntiata haud  
videtur, eoquod ibidem de Pontificis  
Pii IV. obitu, necnon de electione Pii V.  
mentio fiat, cum hic nonnisi Mense  
Janua-

Januario ad Divi Petri Cathedram promotus fuerit. Sæcul. XVI.  
A. C. 1565.

Ceterum prudens agendi ratio, quam Cardinalis Borromæus in hujus Synodi celebratione tenebat, omnes admiratione repleverat; nunquam enim sat amplis elogiis celebrari poterat gravitas, ac Majestas, quacum hæc Synodus habita est. Stupebant omnes, quod Cardinalis ætate juvenis, inter dignitates, ac fastum olim enutritus nunc cum tanto fervore, & eloquentia populis Dei Verbum annuntiaret, de morum emendatione ageret, Synodo assisteret, cuncta ejus decreta ipse instrueret, ac veteranos etiam Præsules ætate longe superiores ad eorum observantiam animaret, illosque ad residendum, atque suo gregi, Ecclesiisque invigilandum hortaretur.

§. IX.

*Papa datis ad Carolum literis felicem Synodi exitum gratulatus.*

Cum Pium IV. Pontificem non minus, ac ceteros tam felicis successus nuntius ingenti admiratione, & lætitia affectisset, hinc idem Pontifex eadem occasione ad Carolum Borromæum diploma transmisit his verbis conceptum.  
„Jucundissimæ nobis fuerunt literæ tuæ  
„omnes, sed postremæ inter ceteras,  
„quas